



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

Articulus V. De reliquis ad hunc titulum pertinenbus.

[urn:nbn:de:hbz:466:1-73001](#)

Resp. 2. dato, quod credat, & sciat, ita esse; non tamen propterea sequitur, quod fateatur, ita esse legitimè; cùm possit sciare, rem sic esse, quoad quid facti? & negare, quoad quid juris, ut, si sciat, contrahendum esse factum, sed nulliter, & contra ius; hinc affirmans factum, & negans rite factum, non est sibi contrarius; unde tametsi Reus Actori petenti debitum ex contractu, neget contractum (est sciat, contractum esse celebratum) repellet nihilominus Actorem probata nullitate contractus; nimirum sensu verborum, sub quibus excipiendo negavit contractum; cùm verba exceptionis ad favorem Rei trahantur, & ne pariat effectus contrarios contra clarum ius, de quibus num. præced.

2253. Dices. 2. qui excipit, per solutionem se liberatum esse, videtur præsupponere & confiteri, quod ante debuit; quia non potest dari liberatio, ubi non sicut vinculum, & obligatio, & non potest defenere esse, quod non aliquando incepit; c. quod vero 32. q. 2. inducta quæ ad unum finem consequentis necessariæ virtute, contrarium operantur, L. cùm ex orat. ff. de excusat. tut. Unde & Baldus existimat, eum, qui exceptionem compensationis objicit, videri debitum confessum esse, in L. Papi- nianus. C. de sent. &c. Resp. cùm sèpe contingat, quod Debtores solvant indebitum, consequenter liberentur de facto, nullo vero titulo debiti præcedere; ex antecedente (quod Reus ponit, se soluisse) non rectè inferri aliquid juris vinculum intercessisse; atque adeo tale debitum confiteri Reum. Solum igitur sequitur, quod confiteatur debitum apparen- tium, atque adeo opponendo solutionem, negare verum titulum debiti.

ARTICULUS V.

De reliquis ad hunc titulum pertinen- bus.

2254. Cum dixerimus exceptiones alias esse dilatoria, alias peremptoria, & tam has, quam illas rursum varie subdividi, ut constat est dict. supr. præsertim n. 2189. 2216. & 2222. quæstio est, quan- tom. II.

do proponi possint, aut debeat exceptiones dilatoria? quando peremptoria? Resp. quæ pertinent ad exceptiones dilatoria, & tempus eas proponendi, colligi posse ex dictis tit. 8. de dilationibus, à n. 766. tum etiam hoc tit. n. 2193. & seqq. de peremptoriis autem à n. 2228. & quoniam ambæ habent rursum alias sub se species, quæ habent suos speciales juris effectus, & ad hoc efficaciter inducendos peculiares juris dispositiones; de illis ad locum à nobis citatum quoad præsentem quæstionem remittimus; ne, quæ dicta sunt, repetamus: cùm autem quædam in particulari quæstiones supersint, de illis dicemus in leqq.

Quæstio altera est de exceptione ex-
communicati; ubi not. non agi à nobis hic
de quæstione, an excommunicatus habeat
legitimam personam standi in judicio, a-
ctivè? ad hoc enim dictum est à n. 62.
sed an, cùm vocatur in judicium, ei non
obstante excommunicatione, competat con-
cessum Reis remedium juris, opponendo
exceptionem, vel excludendi actionem, vel
differendi? In hac quæstione fundamen-
tum decisionis habetur ex c. cùm inter §.
ubi dicitur, excommunicato, titulo hujus
censuræ, non debere negari remedium
justæ defensionis, quale est exceptionis,
appellationis, recusationis, &c. Cùm e-
nī Procurator Monasterii litigantis cum
quodam Nobili, qui duos ex Judicibus,
quia suspecti erant, recusavit, atque for-
um eorum declinare voluit, hanc exce-
ptionem recusationis, seu fori declinatori-
am dicto Nobili competere negaret, alle-
gando, quod esset vinculo excommunica-
tionis adstrictus; respondit Innocentius
III. 1. quod dicto Nobili legitima defen-
sio in judicio reservatur, & maximè Judi-
cis recusatio; cùm periculose sit, coram
suspecto Judice litigare, ac suspectis Judi-
cibus Sedes Apostolica causam de certa
conscientia non committat: unde in ta-
libus non excommunicati favor attendi-
tur, sed æquitas judicantis, cùm non debe-
at claudicare judicium: ac satis videatur
absurdum, si Actore impugnante, Reo
defensionis copia denegetur, quia sic
condemnaretur, multoties absolvendus.

Respondit 2. quod, cùm excommuni-
cato, quando in causa absolutionis existit
Eccc 2 non

nō sit iusta deneganda sententia, nec interdici debet eidem appellationis remedium, si contra justitiam condemnatur; quia, qua ratione, inquit, in uno eodem què negotio ipsi alia legitima subtrahantur suffragia, non videmus. 3. quòd non sic procedendum sit in reconventione; ne, quod in defensionis remedium sustinetur; ad impugnationis materiam extendatur. Ex hac resolutione Pontifícia sequitur, excommunicato in judicio stanti, & Rei personam agenti, non posse negari remedia justæ defensionis, consequenter non recusationem Jūdicis, non exceptiones; nec etiam appellationem à sententia contra se lata. Secustamen, si stare vellet in Judicio *active*, ut diximus n. 62. etiam solum *reconveniendo*, ut dicitur in *Q. fin. c.* *Cum inter*, quod videtur intelligendum de reconventione per modum *actionis*; non autem per modum *exceptionis*, ut diximus hīc tit. 4. de mutuis petitionibus.

2256.

Quæstio 3. an excommunicatus possit prosequi appellationem, non obstante exceptione excommunicationis, à parte contra ipsum oppositā? Resp. quòd sic, ut habetur in *c. Significaverunt 11. b. t.* nam, cùm electum à Tornacensi Capitulo Archipresbyterum, Mediolanensis Archiepiscopus nollet confirmare, & alium instituisset, Capituli ad se appellantis causam Papa Præposito S. Stephani commisit, qui electionem confirmans, pronuntiavit, jus eligendi ad Capitulum pertinere, simulquè partem adversam ab impenititione Capituli absolvit; sed partes appellantates obtinuerunt causam his Jūdicibus committi, qui exceptionem excommunicationis Capitulo Tornacensi oppositā, non attendentes, hoc prætextu à prosecutione appellationis non debere quem excludi (cùm omnis legitima defensio excommunicato in judicio reservetur) partem adversam non esse cogendam ad respondendum perperam decreverunt. Quare Capitulo rursus appellante, Pontifex mandat iisdem Jūdicibus, quatenus, si ita est, exceptione hujusmodi non obstante, iidem Jūdices in negotio procedant. Extendunt hoc aliqui etiam, si excommunicatus sit Actor principalis, ut vult Pirthing *b. t. n. 9.* Sed non videtur recedendum à *c. Cum inter*, ubi hoc conceditur soli Reo; nec videtur posse deduci ex *c. Significave-*

runt; Capitulum enim in eo casu appellando, non obstante exceptione excommunicationis, non egit *impugnando*, vel principaliter actionem intentando; sed solum se *defendendo* contra partem adversam.

Quæstio est 4. an, cùm Reus Actori opponit exceptionem excommunicationis *majoris*; Actor autem Reo per replicacionem objiciat, quòd irretitus sit excommunicatione *minori*, audiatur exceptio Actoris contra Reum? Resp. non audiri; secus exceptionem Rei oppositam Actori. Nam Innocentius III. (ut habetur *c. à nobis 2. b. t.*) consultus, utrum is, qui excommunicato in locutione, vel oratione scienter communicat, excommunicatum possit à sua accusatione repellere, cùm ille hujusmodi communicatum possit à sua accusatione repellere, cùm ille hujusmodi communicationem replicet adversus illum? respondit, excommunicatum ab accusatione posse repellri, cùm sit à communicatione fidelium exclusus; alter autem, qui ipsi communicat, solum à Sacramento participatione.

Prius hæc not. 1. non admitti contra Reum exceptionem excommunicationis, prosequenti appellationem objectæ, tametsi tententia excommunicationis lata sit in eum post appellationem *c. dilecta 10. b. t.* ibi: cùm curlibet excommunicato defensionis auxilium competere dignoscatur, &c. Unde nec obstat rescripto impetrato à Papa in tali casu, licet in supplicatione nulla mentio latæ excommunicationis post appellationem fiat, ut constat ex casu in *c. dilecta*; & *c. Venerabilem. 14. eod.*

Not. 2. exceptionem excommunicationis majoris à Reo contra Actorem opponi posse tam ante, quam post litis contestationem, imò in qualibet parte judicii, etiam post conclusionem in causa, sed ante latam sententiam; *c. Exceptionem 12. b. t.* etiamsi malitiosè distulerit; quamvis tunc condemnetur in expensas; & *c. Pia 1. eod. in 6. ibi: pia consideratione statuit Mater Ecclesia*, quòd majoris excommunicationis exceptio, in quacunquè parte jūdiciariorum opposita, lites differat, & repellet agentes; sed de hoc jam egimus in ante dictis.

Not. 3. exceptiones, contra personas testium,

testium, opponendas esse ante latam sententiam definitivam, ut habetur in c. *denuo*. h. t. ibi: *si crimina testibus objiciuntur, de quibus non fuerant haec tenus accusati, sed tantum per exceptionem opponuntur, probatio illorum criminum exhibenda est, antequam causa per sententiam terminetur, cum (sicut Canonica instituta declarant) testes absque ulla infamia, vel suspicione, vel manifesta macula inferendo testimonio requirantur.* Dixi: *contra personas testium; secus, si solum contra dicta testium;* talis enim exceptio (ut, si excipiatur *de falsitate dicti, vel instrumenti*) etiam post sententiam definitivam opponi potest; c. *Cum venerabilis 6. b. t.* intellige, modo sententia non transiverit in rem judicatam, ut constabat ex tit. 27. de sent. & re judicat.

2261. Not. 4. in quaestione, an quaelibet exceptiones Rei, oppositae Actori audiuntur, seu admissantur? dicendum esse negativè; sic enim primò, si Clericus habens plura beneficia, in judicio agenti, pro consecutione in ejusdem Ecclesia beneficii nomine suo opponat exceptionem, quod Actor jam habeat plura beneficia, non auditur, c. *Cum Ecclesiastica 3. b. t.* dixi *nomine suo*; quod enim in se ipso æquum reputat, debet etiam in aliis tolerare; Secus nomine Ecclesiae; cum, pluralitate beneficiorum unius, præsertim in diversis Ecclesiis, impediatur Ministerium illi debitum.

2262. Secundò, Clerico, pro defensione sua opponenti alteri exceptionem excommunicationis, perjurii, &c. non potest per replicationem opponi similis Censura, perjurium, &c. ex c. *dilecti 8. b. t.* Exceptio igitur excommunicationis repellit quidem excommunicatum ab agendo; sed replicatio ejusdem Censuræ non repellit Clericum à defensione suæ Ecclesiae, prout in casu c. *dilecti*, ubi, cum electus, contra Canonicos, qui ejus electioni se opponebant, exceptione excommunicationis contra ipsum proposita, contra dictam exceptionem replicans, opposuit etiam illis exceptionem excommunicationis, non fuit auditus.

2263. Tertià, si tempore litis motæ Adversarius desinebat sine dolo rem possidere, & ita absolvitur à Judice, si deinde eam possideat, iterum exceptio rei judicata illi pe-

tenti non nocet, per c. *Adversario 13. b. t.* ubi adverte. 1. ly *sine dolo*; nam si dolo possidere desit, non absolvendus, sed condemnandus erat ad restitutionem rei, vel si non extat, estimationis perinde, ac si possideret, L. *quod si 12. ff. de rei vindicat.* & L. 1. c. depositi; juncta gloss. V. *Culpam.* Adverte 2. tunc solum vi hujus c. non obstat exceptionem rei judicatae in dato casu, quando Reus in actione reali absolutus est, *quia tunc non possidebat rem,* & *quidem sine dolo*, quam Actor vindicare volebat; secus, si absolutus est, *quia Actor dominium non probavit;* vel alio titulo, non excludente vindicationem.

Hujus rei ulterior ratio est; quia, qui per vindicationem petit rem tuam, ad duo probanda tenetur; primò ex parte sua, *Dominium;* deinde, ex parte Rei, *possessionem;* constat hoc 1. ex L. officium 9. ff. de rei vindicat. ibi: *officium autem Judicis in hac actione in hoc erit: ut Judex inspectiat, an Reus possideat; nec ad rem pertinebit, ex qua causa possideat; ubi enim probavi, rem meam esse, necesse habebit possessor restituere, qui non objecit aliquam exceptionem;* & L. *In rem 23. ff. eod. ibi: in rem actio competit, qui aut iure gentium, aut civili, Dominium acquisivit.*

Quare, nisi Reus possidere probetur, locus vindicationi non erit; secus, ubi actione reali conventus possederit; nam in tali casu, si eo titulo, quod tunc non possederit, quando in judicio reali absolutus est ex hoc titulo, non proderit ei exceptio rei judicata ex priori sententia, juxta num. præced.

Not. 5. quando sententia lata à Judice Ecclesiastico transivit in rem judicatam;

2265.

& is, pro quo lata est, conveniatur in foro seculari, opponatquæ exceptionem rei judicatae in foro Ecclesiastico, exceptionem istam admissandam esse etiam in foro seculari; & vicissim, ubi causa est mixta fori; constat ex c. *Cum quidam 2. b. t. in 6.* ubi dicitur: si Titius Laicus in causa mixti fori, seu ad Judicem tum Ecclesiasticum, tum secularem, secundum jura, vel consuetudinem pertinentem, in Ecclesiastico foro ab impietatione Adversarii absolutus fuerit, postea verò tractus ad Judicem secularem super eadem causa, rei judicatae exceptionem opponat, Judex le-

Eccc 3

cula-

cularis exceptionem (sicuti de jure convenit) admittere debet, & ad id ab Ordinario Ecclesiastico per Censuram cogi potest. Similiter verò & Ecclesiastici Judices, si coram ipsis opponatur exceptio cause à seculari Judice judicatae, eam admittere tenentur, si animarum periculum non vertatur; sin autem non admittant, ubi admittere debent, per Superiora suos puniendi sunt.

2266. Ex hoc habetur, quod sententia lata à Judice competente, inter easdem personas, & in eadem causa, valere etiam debeat coram alio Judice, quamvis alterius fori sit. Nam per Judicis sententiam jus parti acquiritur, quod alias Judex laddere non debet; idquè maximè procedit, si loquamur de foro Ecclesiastico, & Civili, quæ licet diversa sint, tamen se invicem adjuvare, & jura mutuò defendere debent; quod tamen intellige, nisi talis sententia conjuncta sit cum animæ periculo; quia tali casu admitti non debet; quia nullo iure quis cogi potest ad peccatum, vel proximum ejus periculum. Coeterùm, si Judex secularis Ecclesiasticae jurisdictioni derogare velit (v. g. non admittendo exceptionem latæ sententiæ in foro Ecclesiastico) per Censuras compelli potest; ut habetur in textu dicti c. *cum quidam.*

2267. Dices: si Judex Ecclesiasticus per Censuram cogere potest secularē, ut in foro seculari admittat exceptionem rei judicatae in foro Ecclesiastico; etiam secularis Judex cogere poterit Ecclesiasticum, ut in foro Ecclesiastico admittat exceptionem rei judicatae in foro seculari. Resp. admitti illationem, seu sequelam, si Judex secularis utatur medio sibi competente, quo tales exceptionem rei judicatae in foro seculari, admittere cogatur in foro Ecclesiastico, modò exceptio sententiæ non sit conjuncta cum periculo animæ. Pro explicatione hujus responsionis observandū, omnes fideles, in his, quæ concernunt salutem animæ, consequenter fovent peccatū, subjacere foro Ecclesiastico, ut possit reprobare leges istud permittentes, & per Censuras cogere, ut secundūm eas non procedatur, ut alibi dictum est; cùm ergo negare exceptionem rei judicatae in foro competente, cui nō est conjunctum periculum animæ, fovent peccatum (est enim contra justitiam Reo negare remedium justæ defensionis) in hoc

omnes fideles subsunt jurisdictioni Ecclesiasticæ; certum autem est, non omnes fideles subesse Judici seculari, ut quolibet medio seculari ei liceat compellere quoslibet, tanquam subditos. Ecclesiastici enim Judices non subsunt secularibus in materia peccati, sed Superioribus suis Ecclesiasticis; at secularis subsunt Ecclesiasticis in materia peccati; hinc, si Judex Ecclesiasticus nollet admittere exceptionem, rei judicatae in foro seculari, quæ non habet adjunctionem peccatum, non posset ipse immediatè illum jure ullius Superioritatis compellere ad illam admittendam; sed deberet illum compellere per suum Superiorrem Ecclesiasticum.

Not. 6. si Judex exceptionem declinatoriam fori, vel aliam dilatoriam nollet admittere, & consequenter opponens appellaret, Judicem appellationis eo casu non posse cognoscere de causa principali, sed tantum, an legitima sit exceptio? ratio est, quia Judex appellationis succedit Judici à quo, ut de illo tantum cognoscatur, super quo Judex à quo pronuntiavit, seu, super quo appallatum est; sed exceptione opposita Actori in causa principali, & negatā à Judice inferiori, iste nihil cognovit, nec pronuntiavit super causa principali, ut ponit casus; sed tantum super exceptione; ergo,

Ratio hujus sumitur ex c. *Olim 7. b. t.* 2269 ubi Wilhelmi ab Archiepiscopo Trevrensi, qui Judex delegatus à Papa impetratus erat, comparuit, & exceptionem declinatoriam proposituit, quod ultra duas diætas ad judicium traheretur; sed cum Archiepiscopus exceptionem admittere nollet, ad Sedem Apostolicam appellavit: Quare Innoc. III. causam hanc Abbatu S. Laurent. & coniudicibus delegavit, coram quibus contra exceptionem Wilhelmi ex adversa parte replicatum fuit, quod is ultra duas diætas extra suam Diæcesin non traheretur, quandòquidem Archiepiscopus locum partibus designavit, secundūm quem Wilhelmus supra duas diætas non traheretur: de hac replicatione certior factus Pontifex, mandavit Abbatibus S. Huberti, & S. Martini, si Procurator Wilhelmi probare potuerit exceptionem suam, quod ultra duas Diætas tractus fuisset contra Generalis Concilii constitutiones, ut appellationem ipsius legitimam decernant, ac principali negotio supersedeant.

QVAE